

REGLUGERÐ

117

15. sept.

um breyting á reglugerð nr. 14 frá 28. jan. 1953, um breytingu á reglugerð nr. 34 frá 26. febr. 1952, um íslenzkar getraunir.

1. gr.

2. mgr. 4. gr. orðist svo:

Fái einn eða fleiri þátttakendur 12 rétt úrslit á seðli, skal hann eða þeir, auk vinningshluta síns, fá aukavinning úr áðurnefndum sjóði. Aukavinningur þessi skal vera það sem er í sjóðnum hverju sinni, þó aldrei yfir kr. 5000.00 alls.

2. gr.

Reglugerð þessi, sem sett er samkvæmt lögum nr. 84/1940, um tekjuöflun til íþróttasjóðs, öðlast þegar gildi.

Í menntamálaráðuneytinu, 15. september 1955.

Bjarni Benediktsson.

Birgir Thorlacius.

REGLUGERÐ

118

24. sept.

um fasteignaskatt í Miðneshreppi.

1. gr.

Til sveitarsjóðs Miðneshrepps skal greiða fasteignaskatt skv. lögum nr. 67 frá 12. apríl 1945 og lögum nr. 29 frá 4. febrúar 1952 af fasteignum í Miðneshreppi, eftir þeim reglum sem hér fara á eftir.

2. gr.

Árlega skal greiða fasteignaskatt:

1. Af verzlunarlóðum, lóðum til atvinnureksturs og þeim lóðum og lendum innan takmarka Sandgerðiskauptúns, sem eru stærri en sem nemur einni byggingarlóð, skv. skipulagsuppdrætti 9%.
2. Af verzlunarhúsum, verksmiðjum, byggingum til atvinnureksturs og öðrum hliðstæðum mannvirkjum 4%.
3. Af jörðum 1½%.
4. Af húseignum, sem einungis eru notaðar til íbúðar og lóðum, sem þær standa á, greiðist enginn skattur.

3. gr.

Skattinn skal reikna af heilum hundruðum fasteignamatsverðs, en því, sem umfram er, skal sleppt, og nái fasteignamatsvirðing ekki kr. 100.00, greiðist enginn skattur.

4. gr.

Eigandi fasteignar greiðir skattinn, nema um leigujarðir, leigulóðir, eða um önnur sammingsbundin jarðarafnot sé að ræða, þá greiðir ábúandi eða leigjandi skattinn.

118

24. sept.

Gjalddagi fasteignaskatts skv. reglugerð þessari skal vera í fyrsta skipti 1. okt. 1955, en síðan 1. apríl ár hvert.

5. gr.

6. gr.
Af fasteignaskatti, sem greiddur er tveim mánuðum eftir gjalddaga, skal greiða sömu dráttarvexti og greiða ber af útsvörum á hverjum tíma.

7. gr.

Undanþegnar fasteignaskatti skv. reglugerð þessari eru allar fasteignir Miðnes-hrepps, aðrar en lóðir og lönd, sem seldar eru á leigu. Enn fremur eru undanþegnar kirkjur, samkomuhús og íþróttahús, sem ekki eru leigð út til skemmtana. Skólahús, barnahæli, sjúkrahús svo og aðrar, sem undanþegnar eru skv. 4. gr. laga nr. 67 frá 1945.

8. gr.

Fasteignaskattinum fylgir lögveð í fasteign þeirri, sem hann er lagður á, og skal ásamt dráttarvöxtum í tvö ár frá gjalddaga ganga fyrir öllum öðrum veðkröfum, er á eigninni hvíla. Ef hús brennur eftir að skatturinn er fallinn í gjalddaga, er sami forgangsréttur fyrir honum í brunabótafjárhæð hússins.

9. gr.

Fasteignaskatt og dráttarvexti má taka lögtaki.

Reglugerð þessi kemur til framkvæmda frá 1. janúar 1955.

Sýslumaðurinn í Gullbringu- og Kjósarsýslu, 24. september 1955.

Guðmundur Í. Guðmundsson.

119

1. okt.

AUGLÝSING

um breytingar á lyfjaverði.

Frá og með 1. október 1955, og þar til öðruvísi verður ákveðið, hækkar verð á lyfjum og vinnu við lyfjagerð um 10% og verður 15% — fimmtán af hundraði — hærri en greinir í lyfsöluskrá frá 1. marz 1954.

Heilbrigðismálaráðuneytið, 1. október 1955.

F. h. r.

Gústav A. Jónasson.

Baldur Möller.